

欽定中樞政考

欽定中樞政考目錄卷之十三

絳營

禁令

陵寢禁止種地樵採

陵寢後龍風水禁內失察偷砍海樹議處拏獲議敍

青椿界外居民田畝不准續增

禁止官員蓄養優伶

嚴禁官員虧空

發遣旗人太監等沿途滋事

禁止外省官員署內設立管理雜務之人

外官不許謁見王公

大臣官員不得與太監交接

應行正法人犯不卽正法

兵丁偷賣營中器械

嚴禁匪徒假借官親在外滋事

隨任子弟親戚干預公事

嚴禁屬員護送上司眷屬

嚴禁官兵妄拿民人

嚴禁私設班館

嚴禁大臣官員勒索

禁止攤扣月餉

禁止武職濫役兵丁

皇遞奏章不得擅自撤出

同日拜發之摺不得分日呈遞

禁止武職違例坐轎

禁止官員進貢

嚴禁放官吏債

嚴禁外省文武官員規避事件

嚴禁私役遣犯

嚴禁換帖燕會無故上省

禁令屬員購買物件

收受屬員門包等項處分

餽送禮物

屬員詳揭上司抑勒

軍政科派

引

見官藉端科歛所屬官兵

因公科歛

給價不速

挾制官府報復私讐

擅受民詞

叅後訐告

笞辱官員

陵寢禁止種地樵採

一

陵寢有關風水地方豎立紅檣外留火道二十丈禁止
樵採種地守口弁兵不時巡查如有縱民犯
禁及自犯禁限者照違

制律從重治罪如該管上司失察弁兵縱民樵採并
失察弁兵自行犯禁樵採者均照例分別議
處其火道以外聽民自便各口樵採種地民
人領取地方官印票守口官弁驗票放行按

季報部查覈如有夾帶違禁貨物守口官弁

明知故縱或失察者均照例分別議處則例載

衛門分其給票驗票書役兵丁有需索等弊

者照關津留難律治罪職重者計贓以枉法

從重論

一。

陵寢禁地紅椿界地及白椿青椿界內遇有回乾風折

樹株該營汛官弁隨時報明上司轉報該管

大臣勘驗登記咨報禮工二部及承辦衙門

遇修整火道內撥房橋梁等項酌量取用如
有不敷於青椿外尋覓採取倘有在青椿內
擅行翦伐及匿報者該大臣等叅奏將該管
官兵治罪上司分別懲處

陵寢後龍風水禁內先察偷砍海樹議處拏獲議敘

陵寢後龍風水禁內盜賊潛入偷砍紅檣白檣青檣內
外各海樹者該管專汎兼轄統轄及提督總
兵各官失於查察以及汎弁得財包庇通信
致賊遠颺而該管上司或明知徇隱或僅止
失察者均各照例分別議處治罪例載處分則列禁術

門至各界專汎失察隣汎拏獲盜犯者除專
汎官仍照各界本例議處外其兼統及提督

總兵各官均照隣境獲犯之例減等議處至
竊賊潛入並未傷損樹株經別汛官兵拏獲
者將失察之專汛兼統各官分別紅椿白椿
青椿內外亦照隣境獲犯之例減等議處

一陵寢後龍風水禁內盜賊潛入並未傷損樹株卽由本
汛官兵拏獲首犯者給與加一級拏獲縣犯
者每一名給與紀錄一次兵丁首先拏獲首
犯者賞銀八兩幫同拏獲者賞銀四兩每單

夥犯一二名者賞銀四兩拏獲三名以上者賞銀八兩幫同拏獲者減半賞給若本汎樹株已被盜砍之後該管官兵始將賊犯捕獲者以功抵罪免其查議毋庸陞賞至隣汎官兵能於隔汎地界將賊犯拏獲而樹株尙未被砍者拏獲首犯給與加一級紀錄二次拏獲夥犯者每一名給與紀錄二次按名遞加兵丁首先拏獲首犯者賞銀十兩記大功一次幫同拏獲者賞銀五兩記功一次拏獲夥

犯一二名者賞銀五兩拏獲三名以上者賞銀十兩幫同拏獲者減半賞給若木汎官兵疎於防範樹株已被盜砍而隣汎官兵能將首夥各犯查拏就獲者應逾格優獎拏獲首犯者以應陞之缺卽行陞用先換頂帶拏獲夥犯一二名者給與加一級拏獲三名以上者給與加二級兵丁首先拏獲首犯者賞銀十六兩以外委拔補幫同拏獲者賞銀六兩記大功一次拏獲夥犯一二名者賞銀六兩

記功一次拏獲三名以上者賞銀十二兩幫
同拏獲者減半賞給其奉文派委巡倉之官
如能緝捕賊犯者應查明指派汎地與拏獲
處所亦分別本汎隣汎樹株已砍未砍比照
一律陞賞如有妄拏者卽照妄拏不民例治
罪

青椿界外居民田畝不准續增

道光二年五月內奉

上諭安福等覆奏青椿以外居民地畝查非違禁私
墾請免驅逐並請明定限制不准續增一摺所議
是前因青椿以內及楊家堡所管青椿以外間有
居民耕種是否私墾令安福等詳細確查茲據查
明青椿內居民五百零四戶耕熟地一百七十餘
頃其楊家堡所管青椿外官山界內現有居民八
十戶耕熟地四十頃九十餘畝該民戶居住耕種

歷有年所並無近時私墾情事自應免其驅逐仍
聽管業惟自此次查明以後其民戶田畝數目不
准再有續增著直隸總督卽飭該州縣出示曉諭
明定限制每年由總督委委大員查勘一次外並
著該提督及馬蘭鎮總兵輪流親身前往稽察或
派委妥實將弁往查勿得視爲具文日久生懈嗣
後如再增一戶續墾一畝必將該督及提督總兵
等懲處不貸欵此

禁止官員蓄養優伶

雍正二年十二月內奉

上諭外官蓄養優伶殊非好事朕深知其弊倚仗勢力
擾害平民送與屬員鄉紳多方討賞甚至借此交往
夤緣生事二三十人一年所用不止數千金如按察
使白潤終日以笙歌爲事諸務俱已廢弛原任總兵
官閻光輝將伊家中優伶盡令入伍食糧遂致張桂
生等有人命之事夫府道以上官員事務繁多日日
皆當辦理何暇及此家有優伶卽非好官著該督撫

不時訪查至督撫提鎮若家有優伶者亦得互相訪
查指名密摺奏聞雖養一二人亦斷不可徇隱亦必
卽行奏聞其有先曾蓄養聞此諭旨不敢存留卽行
驅逐者免其具奏旣奉旨之後督撫不細心訪察所
屬府道以上官員以及提鎮家中尙有私自蓄養者
或因事發覺或被揭叅定將本省督撫照徇隱不報
之例從重議處特諭欽此

乾隆三十四年十月內奉

上諭朕恭閱

皇考諭旨有飭禁外官蓄養優伶之事

聖諭周詳恐其耗費多金疲弛公務甚且貽嫌生事
勅督撫不時訪查糾叅雖有一二人亦不可徇隱
聖諭久經編刊頒行督撫藩臬等並存署交代自當敬
謹遵循罔敢違越何以近日尙有揆義託黃肇隆代
買歌童之事豈伊等到官後於衙門尊藏

上諭度之高閣全不寓目耶一省如此他省之未經發
覺者恐尙不少一事如此他事之不能由舊者並可
類推

皇考十三年整綱飭紀所爲吏道人心計者無微不至朕每披尋

謨典省察實深諸臣何竟冥然罔覺於

訓型成憲視若弁髦乎可見外省惡習銅蔽已深凡禁
令所布始則具文塞責久且并具文而忘之卽朕所
降諭旨尙有閑敷載而虛應故事者似此玩不率教
何以副朕孜孜求治之意思之實可痛恨著通諭直
省督撫藩臬等各宜正已率屬於曾奉禁革之事實
力遵行毋稍懈忽若再不知警悟甘蹈罪愆非特國

法難寬
爲

天鑒所不容矣並將此明白宣諭中外知之欽此

嘉慶四年五月內奉

上諭昨據姜晟奏審擬鄭源璣加扣平餘定擬斬監候
一案已交軍機大臣會同該部覈議具奏矣朕聞鄭
源璣供詞內稱署中有能唱戲之人喜慶謠客與外
間戲班一同演唱等語民間扮演戲劇原以藉謀生
計地方官偶遇年節雇覓外間戲班演唱原所不禁
若署內自養戲班則習俗攸關奢靡妄費並恐啟曠

廢公事之漸况朕聞近年各省督撫兩司署內教演
僨人及宴會酒食之費並不自出已費多係首縣承
辦首縣復飭之於各州縣率皆侵小民之脂膏供大
吏之娛樂輒轉科派受害仍在吾民湖南地方雖尙
未激變而川楚教匪藉詞滋事未必不由於此現當
過密之時天下停止宴會卽二十七月後京城內開
設戲館亦令_三遠禁止嗣後各省督撫司道署內俱
不許自養戲班以肅官箴而維風化再鄭源壽供內
有眷屬人口_三及三百人之語伊係一藩司而署內

食指如此其衆用度浩繁其侵食數逾八萬兩亦勢所必至督撫中如書麟朱珪操守廉潔署內不過數十人所得廉俸未嘗不敷日用此朕所素知者地方大吏惟當儉以養廉不可從事奢華以致簠簋不飭也至藩司於收發庫項加增平餘任意剋扣恐不獨鄭源璿一人爲然州縣等因藩司扣平過多徵收錢糧時亦必多取於民間間深受其累所關甚重並著通諭各直省藩司務當洗心滌慮悛改積習勉爲廉吏毋負朕諄諄訓誨至意欽此

金匱口相正本 卷二十一
嘉慶十三年六月內奉

上諭松筠奏遵旨驅逐戲班人等一摺伊犁等處爲邊
疆重地且現在官兵駐劄又係軍營何得有演戲之
事致兵民被其引誘大壞習尙從前

皇考高宗純皇帝時頒諭旨禁約綦嚴該將軍大臣等
日久因循奉行不力現在復有容留戲班之事恐非
伊犁一處爲然本應治以違禁之罪此次姑免懲處
但此後不可不力加整頓著松筠卽通傳南北各路
令該處駐劄大臣等一體凜遵認真查察凡有戲班

人等俱著立時擣逐出境令其各歸內地謀生毋許
逗遛仍將實力查禁緣由於每歲年底自行具奏一
次毋庸交伊犁將軍彙奏設該大臣等陽奉陰違節
詞具奏將來經朕查出必當治其欺罔之罪不能寬
恕凜之將此諭令知之欽此

嚴禁官員虧空

雍正五年正月內奉

上諭向來內外文武官員虧空甚多我

聖祖仁皇帝深知其弊屢降諭旨諄諄戒飭祇以

聖心仁慈寬大不甚加誅冀其悛改乃伊等不知感激

天恩反至肆行無忌日積月累虧空之數愈多朕卽位

以來念此虧空之項彌繁國帑朕爲天下主豈能以

國家一定之經費任貪官污吏之浸漁令小人藐視

國法可乎且聞貪婪之員平日侵蝕國帑而於被參

之後則將所有貲財藏匿於衙署或送歸於鄉里或分寄於宗族親黨之家及接任官查出虧空則故作貧窶之狀希遷延數年援家產盡絕之例以圖豁免此種伎倆朕知之甚悉而內外臣工條陳此事者亦甚多是以朕從衆所奏將被叅虧空之員搜查其宦囊家產并及寄放之處茲不欲使貪汚之輩盜國帑剝民膏以飽囊橐也此輩本有應死之罪但朕念弊端已久相習成風若遽然按律治罪則誅戮者衆幾於不教而殺此心有所不忍若仍任其溫飽朕心有

所不甘故令其完補勸項而後全其性命此朕仁育
義正用中之道而無知小人妄以爲嚴刻乃坐井觀
天之輩亦無足論也朕意原欲暫行二三年俟天下
咸聞朕諭共知朕心之日如有再犯者則按律治罪
今已曉諭四年不得謂之不教而殺矣上年已令九
卿酌定條例向後倘有侵欺虧空之員則按所定之
例治罪有應正法者卽照例正法其搜查宦囊家產
并追及寄放宗族親黨之處應不必行矣自此諭下
之日俱著停止伊等若知朕化導保全之恩盡洗從

前侵剋之弊實伊等之福亦朕之所深望也若仍執
迷不悟顧貲財而不惜身命亦其自取不足憫惻特
諭欽此

發遣旗人太監等沿途滋事

雍正七年十月內奉

上諭從前由京發遣之旗人太監等沿途需索地方強橫不法且捏造流言鼓惑衆聽令直隸河南廣西等省一一查出具奏此等八旗包衣發遣重罪欽犯一到外省衆人不知其來厯認爲朝廷得力之人又見伊等妄自尊大遂羣相畏懼避其兇焰又恐加以管束而悍惡之徒或致輕生拚命則不免受其拖累於是隱忍應付任其需索使令容爲不法致兇犯益得

肆行無忌嗣後除徒罪輕犯外其充發烟瘴軍流人
犯倘於經過州縣及安插地方或凌虐解役需索驛
站或行兇生事造作謠言不安本分不守規條著本
管解役卽稟明地方有司詳報督撫據實具題於本
處卽行正法倘解送之時安插之所犯人不服拘管
或因約束過嚴以致輕生斃命者亦該犯自速其辜
將地方官吏人等概免究問倘有徇情故縱或疎防
脫逃者亦當從重處分著該部定議具奏若此發遣
人犯果能在彼地方安靜奉法無一事妄行之處

年之後著該地方法詳報督撫奏聞候朕看其情罪之輕重酌與以赦宥之恩著將此旨通行各省督撫轉飭所屬文武大小官并咸使知悉并出示曉諭各犯知之特諭欽此

禁止外省官員署內設立管理雜務之人

乾隆二十八年十月內奉

上諭據佛德奏外省官員到任定例將管事長隨開具姓名籍貫造冊通報上司存案以防奸宄今有於長隨之外另名管理雜務之人應請一體造冊通報二經犯法卽照例分別治罪一摺佛德向歷外任此奏必實有見聞但所陳辦理之法不過令將姓名籍貫造冊申報殊於事理未得緊要況造報徒事紛繁久且具文塞責保無另立名目仍非所以杜根株而絕

弊竇外省各衙門既有幕友佐理案牘復有長隨供其驅使斯亦足矣今乃於幕友長隨外復有辦理雜務之名甚至冒濫頂帶混廁官場侵事權而滋姦僞莫此爲甚至衙署中或子弟隨任讀書或近親寄居糊口亦常情所不能無但竟使其干涉公務出入無忌又安保無不肖之徒藉口辦公招搖生事者耶著通諭各省督撫嚴飭所屬將辦理雜務名目力行禁止如有違法據實叅奏即重示懲儆以昭炯戒倘不實力奉行致所屬以私人而代公務滋生事端者准

該督撫等是問摺併發欽此

外官不許謁見王公

乾隆三十四年十月內奏

上諭嗣後各王公屬下人等惟京員向各門往來仍照舊不禁外現居外任職官因事來京者概不許於本管王公處謁見通問以清弊源著爲令倘仍不知省改或久而復沿故轍一經發覺除本人從重治罪外其本管王公等亦一體懲治必不稍爲寬貸欽此

大臣官員不得與太監交接

乾隆三十九年七月內奉

上諭向來在京部院各衙門陳奏事件及外省督撫等
齋奏差弁赴宮門具摺設有奏事官員接遞轉交奏
事太監進呈所以嚴內外之防使宦寺人等概不得
與外人交接法至善也乃近來奏事官員日久懈弛
致有山東隨至天津之衆將王普與太監高雲從認
識聽其囑託高雲從不過寫字處下賤太監何得與
外省叅將相識則是太監等與外廷官員在宮門覬

面交談之處大概可知奏事處向派有御前侍衛一員管理原以察查各項弊竇今春寧在奏事處於此等情事不能稽管所司何事春寧不必管理奏事處之事仍交御前大臣議罪另派安泰代管安泰向曾管理此事今行走雖不及昔日而稽察管束尙所能爲務宜小心謹慎若再有太監與外廷官員人等在宮門交言識面之處惟安泰是問嗣後除軍機處應奏事件仍照舊交奏事太監呈進外其餘各部院衙門奏摺俱悉從奏事官員接收轉交卽內務府衙門

一切事件雖係家務亦著由奏事官員轉交概不得
由奏事太監等接奏大臣官員等並不得與太監交
談如敢再有違犯必將伊等從重治罪著將此旨嚴
切傳諭奏事處及各衙門知之欽此

應行正法人犯不卽正法

乾隆五十年六月內奉

上諭據常青奏將拏獲脫逃三次之瑪納斯已革屯田
兵丁高金援例奏請正法等語新疆屯田兵丁逃走
三次拏獲時卽應一面具奏一面正法何用紛繁援
例奏請此係常青邀名沽譽欲將拏獲逃人令其多
延數月之命且高金二次逃走雖經自行投回實係
恐被拏獲因而自回豈可相信常青不知之乎高金
令其卽行正法常青著嚴行申飭欽此

兵丁偷賣營中器械

乾隆五十一年七月內奉

上諭據孫士毅奏拏獲外洋行劫盜匪譚華瑞等八名
搜獲匪船一隻並過山鳥鎗一桿噴筒三枝火藥一
片嚴究來歷據供係外委趙承恩兵丁吳有亮得錢
租賣現在從重究擬請將該管弁員及署鎮副將王
延春革職示微提督寶璣交部嚴加議處一摺海洋
一帶奸宄潛藏盜劫固所不免至弁兵等有緝匪安
良之責軍火利器藉以防奸捕盜最關緊要如外委

趙承恩兵丁吳有亮竟敢私將火器火藥租賣與譚華瑞等行使此與藉寇兵而齎盜糧何異其貌玩寶出情理之外所供因譚華瑞等託稱鹽船防夜需用責不知伊等爲匪之語斷不可信該督務須徹底根究即使平日審無叅賊養奸彼此分贓情事亦應與盜犯一例科斷以示懲儆至該管員弁漫無覺察所司何事均照所請革職竇瓊係專閩大員亦難辭咎著交部嚴加議處並著通行飭諭各省營弁兵丁嗣後務知守法防奸倘再有貪利不法叅縱盜賊偷賣

火器火藥等情卽照此案嚴辦各該管營弁亦應時
刻嚴查毋得疎縱將此通諭知之孫士毅摺併發欽
此

嚴禁匪徒假借官親在外滋事

乾隆五十一年閏七月內奉

上諭據孫士毅奏拏獲假借官親名色詐騙沿戶之匪
徒楊茂林等審明定擬發遣並請將左翼鎮總兵施
國麟交部嚴加議處一摺已批交該部議奏矣至此
案楊茂林係施國麟族甥該總兵平日任聽出入衙
門流寓境內與斥革把總都司吳振龍等結交往來
並給以鉅錢以致該犯假借官親名色在外滋事實
屬不合施國麟難膺專閫之任卽部議上時必係降

革所有廣東左翼鎮總兵員缺著李化龍補授欽此

隨任子弟親戚干預公事

官員隨任子弟親戚藉辦公事之名與人接見致有夤緣因事受賄滋弊等事或並無夤

緣因事受賄滋弊情事而與人接見出入無

忌以致犯法者如酬酒闌監賄將本官分別

傳宿娼等事

知情失察各照例議處

例載處分則
例營私門

一屬員縱容隨任子弟親戚藉辦公事之名與人接見致有夤緣因事受賄滋弊該管上司

知情徇庇不行揭叅者照例議處

例載處分
則例營私

संवाद विषय

मा

मा

嚴禁屬員護送上司眷屬

乾隆五十一年八月內奉

上諭據李侍堯叅奏施南協守備陳興龍自京引見回楚挫報到任日期藉稱護送特成額家眷輒行赴滇請旨革職拏究等語向來督撫家眷赴省自有家丁跟隨卽千把外委微弁亦不應私行派令護送守備職任較大有經管兵馬錢糧之責陳興龍引見回楚自應依限到營任事乃將部文憑限稟託都司詳繳捏報到任日期轉以護送前督家眷爲詞私自赴滇

自應革職審究其是一色特成額派令該弁護送家眷
赴瀆抑係私自隨行之處著該督撫嚴切究訊務得
確情定擬具奏摺併發欽此

嚴禁官兵妄拏民人

乾隆五十一年九月內奉

上諭長麟等奏駐劄海防礮臺把總陳耀祥向民人曾開華圖詐妄拏隨帶兵丁放鎗致斃曾開昂曾亞庇二命並鎗傷曾懷造刃傷曾紹和一案審明圖詐屬實將把總陳耀祥照光棍爲首例擬斬立決放鎗斃命之兵丁蔡勝雄羅得漢照爲從例擬斬從重定擬斬決用刀傷人之兵丁陳亮陳勝光擬杖監候等因一摺此事大奇該督等所奏未免遲緩國家設兵所

以衛民還有匪徒搶劫擾害百姓之事該營弁方當
率領兵丁幫同趕捕以期綏靖間間今把總陳耀祥
因向民人曾開華索詐起見輒妄擊無辜所帶兵丁
復敢聽從本官開放鳥鎗擊打平民以致二死二傷
不法已極似此肆意妄行尚復何事不可爲耶今該
督等將陳耀祥暨放鎗斃命之兵丁蔡勝雄羅得漢
三犯皆擬斬立決所辦尙是其陳亮陳勝光二犯雖
傷人未死擬綏監候並當入於本年秋審情實俾不
法主知炯戒此案著軍機大臣會同該部速議具奏

並著傳諭各省督撫提鎮等轉飭各將備於所轄弁兵務宜嚴加管束毋許滋生事端如有似此營私貌法者不特將該弁兵立正刑誅其不能約束之督撫提鎮將備等亦當一併從重嚴處斷不寬貸欽此

嚴禁私設班館

乾隆五十三年九月內奉

上諭據徐嗣曾奏懲治臺地棍徒並拏獲糾夥殺命匪犯及設館殃民之蠹役挾嫌捏害之義民創用印冊冒支錢糧之征兵分別從嚴定議各摺已交軍機大臣會同行在法司覈議速奏矣臺灣爲五方雜處之區民情刁悍從前地方文武官循廢弛遇事姑息以致奸民無所忌憚釀成逆案今當賊匪甫經蕩平之後正當趁此兵威隨時嚴辦使匪徒斂跡盡絕根株

徐嗣曾於擎獲棍徒凡犯該死罪者俱立置典刑所
有陳光候潘波二犯不復拘泥成例謀故極從立決
其殃民之蠹役舞弊之征兵恃符貌法之義民俱分
別嚴行定擬辦理不謂徐嗣曾竟能爲此明敏決斷
實屬可嘉之至徐嗣曾前於柴大紀飭法營私不行
叅奏一案咎無可辭是以將伊革職從寬留任該撫
自抵臺灣後幫辦善後諸務尙爲妥協今於地方棍
徒蠹役等復能力加整頓俾海疆刁悍之風漸知悛
革殊爲不負任使徐嗣曾着交部議敘以示朕賞功

罰罪各不相掩之意至府縣差役膽敢私設班館擅
置刑板櫈指等件勾掌盤踞肆惡殃民其情節甚屬
可惡徐嗣曾將爲首各犯定擬斬決所辦甚是但此
等蠹役自係地方官倚爲耳目不肖者縱其貪婪昏
墮者受其蒙蔽以致該役有恃無恐擾害良善於吏
治民生大有關係臺灣既查有此弊恐各省亦有所
不免著卽傳諭各督撫嚴飭問刑衙門將班房等項
名目永行革除以除奸蠹而絕弊端如有任令差役
設立班館私置刑具各情事一經發覺不特將縱容

之地方官從重治罪並將失察之上司一併嚴加議處决不姑貸仍著年終奏聞有無此弊又義民等因幫同守城勦賊特予獎賞伊等身邀頂帶正應倍知安分乃挾嫌捏害圖陷多人是義民又爲蠹民豈可因其前有微勞稍從末減徐嗣曾將誣告之義民謝恭卽行正法其不行阻止之黃武等概行責懲辦理甚屬允當又據會同普吉保奏兵丁鄭振宿媚怙惡連斃二命審明後已恭請王命將該犯卽行正法一摺所辦甚是其請將遵擊陳大恩等交部議處並自

請交部之處兵丁係屬營員管束茲鄭振有宿娼鑑
命情事該管營弁平日不能約束查察自應分別斥
革議處至文職大察土娼固有應得處分而戍兵非
其所轄且徐嗣曾一經稟報卽審明嚴辦其所請交
部之處並著寬免欽此

嚴禁大臣官員勒索

嘉慶二年五月內奉

上諭前據定邊左副將軍圖桑阿參奏叅贊大臣額勒春牟利營私各款當經將額勒春革職拏問派豐伸殷德前往嚴審矣續據喀爾喀王薩木不爾多爾濟呈遞理藩院公文控告額勒春縱子妄爲及苦累蒙古各款覈對所發月日始知圖桑阿已聞薩木不爾多爾濟業經呈控難以掩飾始行補叅而於額勒春肆意妄行諸重款仍未據實奏出復降旨將圖桑阿

革任一併交豐仲殷德審明治罪矣所控條內有烏
梁海例進貢馬到烏里雅蘇臺額勒春令家人向索
馬四十匹伊卽挑存二十匹又勒索羊一百隻烏梁
海祇應付五十隻一節可見額勒春貪鄙已極實難
寬宥向來派往各路大臣於所管部落尙多有備帶
貢需散給者豈有轉向所部人等勒索之理大失滿
洲大臣顏面況額勒春曾任巡撫司道養廉豐厚積
有巨萬家資經朕派往烏里雅蘇臺辦事自應於所
屬部落體恤資予方不失特遣之大臣撫馭外藩之

道乃額勒春轉肆行勒索殊出情理之外雖各該處大臣需用馬匹牛羊土物等項不能不向各該處買用其中稍知大體者自必多給價值購買卽貪小之輩亦不過官價給值何至有藉端勒取等事似此不肖貪蹟劣員不特新疆各路爲然卽督撫中亦曾有敗闊蕩檢者朕實以爲慚也何以肅綱紀而儆官邪卽如前歲黑龍江將軍都爾嘉明亮舒亮索取貂皮以致激而上控從前高樸之私賣玉石格綱額之勒索回子而督撫中則有伍拉納國泰等營私貪蹟者

不一而足一經敗露俱已分別正法發遣從重治罪
並節經降旨明白通諭各大臣等寧不知之自應益
懷儆惕共礪廉隅乃諄諄訓諭不啻至再至三今額
勒春復有向烏梁海索取馬羊之事伊等不知自愛
甘蹈刑辟固不足惜而大臣等每有此等不肖之事
玷辱滿洲朕實引以爲愧卽以私帶玉石一事而論
曾經降旨嚴禁於卡倫侍衛起程時人給一紙俾知
提撕儆戒立法不爲不周而上年仍有卡倫侍衛阿
義等夾帶私玉之事在此等窮苦微員一經犯法尙

當嚴辦示懲若大臣等出此更當從重懲治著將此
旨通諭各省新疆將軍大臣及督撫等知之並各照
錄一道揭之銜署大堂入於交代俾各觸目警心共
知戒懼倘經此次訓諭之後復有仍前執法者必當
加倍治罪伍拉納高樸額勒春等皆前車之鑒毋謂
朕不教不誠也稟之慎之欽此

禁止攤扣月餉

嘉慶四年五月內奉

上諭各省兵丁月餉原藉以養贍家口不得絲毫攤扣乃聞各營於差使盤費俱扣通營兵餉卽同文員扣養廉相似文員之養廉豐厚尙不可扣况兵丁月餉幾何忍心扣取以致伊父母妻子啼饑號寒而欲使之盡力操練豈可得乎又提鎮等查閱營伍時亦於餉內攤扣費用兵丁等養贍無資或在外兼習手藝訓練生疎營伍廢弛所關非細著各督撫提鎮嗣後

金匱口朴正末
兵丁差使盤費俱當於各營留存公項內籌撥不得
攤扣月餉並嚴禁浮勒貪財私費倘敢陽奉陰違一
經發覺必當從重懲治再各營占役兵丁之弊前因
步軍統領衙門各員私用步甲曾降旨令各省通行
飭禁在京都稅等衙門跟班馬甲亦曾諭令不得
過二人今外省提鎮以下將在伍之兵任意役使甚
至以工匠人等亦合食糧以致操防反屬虛名兵丁
竟成虛設並著各督撫提鎮查明嚴禁以肅營制而
昭嚴實責力奉行欽此

禁止武職濫役兵丁

嘉慶二十四年二月內奉

上諭御史黃中模奏請禁外省武職濫役兵丁並攤扣月餉一摺直省武職衙門不准私役兵丁節經降旨飭禁其各營月支兵餉爲該兵丁等養贍身家亦不得藉端攛扣惟恐日久懈弛仍蹈故習著各督撫提鎮等通飭所屬員弁申明例禁如有輒將在伍兵丁濫行役使及藉口營中公用攛扣月餉以致兵丁苦累不能盡心操練者卽行據實查叅以肅戎政欽此

呈遞奏章不得擅自撤出

嘉慶四年六月內奉

上諭今日朕詣

觀德殿回至北上門面詢御前侍衛兼奏事處行走之
扎克塔爾以各衙門有無引見官員據奏有宗人府
引見官八員其時管理宗人府之睿親王淳穎隨侍
憐旁朕意欲詢彼係何項八員而未經降旨淳穎亦
無一言及至回宮聞之奏事太監則稱今日並無引
見因令軍機大臣查詢旋據軍機大臣遵旨查奏面

詢扎克塔爾據稱本日宗人府遞有引見官八員奏
摺係伊親自接收後來如何撤去扎克塔爾並不知
道復詢問管理宗人府王等據淳頴稱本日宗人府
本遞有引見官八員係淳頴撤去詢問其故則稱因
別處並無引見是以將奏摺撤出又詢問奏事太監
據稱此項引見奏摺係奏事處行走之員外郎京文
撤去各等語此事殊有關繫前此朕特經降旨各衙
門引見人員如遇朕詣

頤德殿日期應照常帶領不得因此延擱其平時引見

人員無論數員至數十百員總應隨時帶領淳頴豈不知之從前和珅攬權專政將各省奏摺及在京各衙門奏摺任意壓擋最爲伊罪之大者蓋緣和珅以軍機大臣兼御前大臣事權過重內外官員畏其聲勢不敢違拗是以朕親政以來軍機大臣及御前大臣彼此不令相兼所以杜專擅而防壅蔽今淳頴輒將已遞之摺復行撤去是竟欲首先嘗試復和珅之故智矣况宗人府衙門並非淳頴一人居首辦事何得專擅撤出如外省州縣衙門遇有官行文書一經

投入卽成案據尙不能輕易撤回何況朝廷之乾清門章疏旣據呈遞豈有公然擅撤出入自由之理若似此陋習相仍設遇有封口奏章或叅劾大臣章疏亦可任其徇私託人代爲撤下相爲壅蔽使下情不得上達乎卽淳頴之意以朕自

觀德殿回宮正值天氣暑熱爲朕節勞起見殊不知朕日理萬幾年甫四旬從不以此爲勞而八員之引見本亦不足爲勞况伊卽因別處並無引見人員不欲以該衙門人員特行帶領又何妨豫行商定另行帶

領何得將已遞之摺徑行撤回殊屬贍大此事扎克
塔爾於朕詢問時因宗人府奏摺係伊接遞卽據實
同奏所奏引見人數亦無錯誤與伊並無不合非因
伊係番人故寬其罰而已遞復撤係淳穎一人之咎
淳穎著交宗人府嚴加議處其奏事處員外郎京文
因淳穎令撤卽將奏摺撤出卽係沿從前畏懼和珅
之積習卑鄙無恥之風竟未悛改可恨之至朕必力
加整頓斷不姑容著交內務府議處至奏事太監等
朕平日管束綦嚴伊等因淳穎欲撤奏摺不敢從中

國朝通志卷一百一十一
阻止尙屬可原應免置議但此事因係初犯是以從寬辦理嗣後內外衙門凡有陳奏事件一經接受皆應直達朕前聽候批示毋得捺擋撤倘有仍蹈前轍者一經查出必當從重治罪決不寬貸也將此通諭知之欽此

嘉慶二十一年四月內奉

上諭本月十一日輪應鑲黃旗值日是日例不應推班該三旗俱值無事各具摺片呈遞蒙古副都統那丹珠因誤記推班日期將該三旗公遞摺片向奏事官

員處一同撤下那丹珠誤記推班其咎尚輕至各衙門陳奏事件應於具奏之前將應遞與否公同酌定若既交奏事官員接收卽應上達朕前王公大臣等斷不准私行撤出那丹珠以內閣學士副都統在批本處行走輒敢如此率意妄爲其重咎實在於此那丹珠著革去內閣學士副都統降三級調用退出批本處現出有鴻臚寺卿一缺卽著那丹珠補授嗣後王公大臣有似此者俱照此降調奏事處官員德寧於該三旗已遞事件聽其撤下亦屬不合德寧著退

出奏事。仍交部議處欽此

同日拜發之摺不得分日呈遞

嘉慶二十四年十一月內奉

上諭前經降旨令琦善飭知河北鎮馬濟勝帶兵四五百名赴馬營壘工次巡防昨據馬濟勝奏報懷慶等府州秋收分數並得雪分寸於赴工巡防之處並未奏及朕以琦善檄調稽遲當降旨由四百里查詢並將琦善嚴飭本日復據馬濟勝奏到查閱營伍一摺始附片奏稱吳璥等先於九月內行知現於十月二十七日帶兵赴工因令軍機大臣傳到該差弁詢問

據稱伊起身時領摺二分該鎮令伊分作兩日呈遞
馬濟勝所奏兩摺兩片事本無多既係同日拜發何
以囑令差弁分日呈遞實屬糊塗不曉事體馬濟勝
著交兵部議處欽此

禁止武職違例坐轎

嘉慶四年六月內奉

上諭據和星額具奏莊浪已革披甲善慶控告該城城
守尉烏靈阿違例坐轎復將空缺馬匹草豆變價錢
文私行侵用和星額卽親赴莊浪審訊烏靈阿坐轎
並將空缺馬匹草豆變價錢文私行修理官學堆撥
房屋屬實請將烏靈阿等交部分別議處等語烏靈
阿係一城守尉膽敢違例坐轎甚屬非是適纔阿迪
斯奏原任直隸提督愛星阿因坐轎將兵丁十八名

作爲轎夫看來外省武職任意互相效尤坐轎者甚多此風甚屬可惡理宜嚴禁已另降諭旨通行矣烏靈阿私行坐轎並將馬匹草豆錢文私行使用旣經訊明屬實卽將烏靈阿照所奏交部嚴加議處至閒散善慶控告烏靈阿若因二款俱實卽賞以微職用示勸勵轉恐長訐告之風但伊旣非誣控亦斷無反治伊罪之理善慶著不必鞭責和星額一聞善慶控告卽趕赴莊浪將實情訊明所辦尙好和星額請交刑部議處之處著寬免餘照所奏欽此

嘉慶二十二年四月內奉

上諭御史王耀辰奏申禁武職違例以重營務一摺武職官員統率營伍訓練兵丁分應習勞戒逸以勵勇敢之氣定例不准乘坐肩輿私役兵丁禁令綦嚴近來將軍都統提鎮等恐又有養尊處優故違定制著再申明例禁嗣後將軍都統副都統提督總兵官如有乘坐肩輿者經人糾參即行照例革職城守尉協領副將叅領以下等官如有乘坐肩輿者著該管將軍都統副都統督撫提鎮一面叅奏卽將該員革

職其曾經出兵著有勞績者奏明作爲兵丁食糧効
力其並無勞績者卽行革職至武職應用儀從等項
俱著查照會典遵行毋得違例妄事華靡多役兵丁
致干嚴禁將此通諭知之欽此

禁止官員進貢

嘉慶四年八月內奉

旨兵部議處違例呈進土貢之福州將軍慶霖請照違制例革職一摺各省呈進貢物節經降旨嚴行飭禁現屬八月十三日爲

皇考萬萬壽誕辰庶既不能奉觴稱慶而明歲

九旬萬萬壽又不獲躬率天下臣民祝

嘏贐歡用申孝養每瞻

鑑几哀慕方深今慶霖乃循照年例呈進土貢益令朕

觸緒增愁殊屬冒昧卽照部議以違制例革職實爲罪所應得姑念慶霖由侍衛出身擢任將軍心地糊塗於體制不能諳悉且因兼管閩海關稅務所進祇係土物又屬初次著從寬改爲革職留任惟是此次慶霖得邀寬宥或外間無識之人妄意前此飭禁雖奉有明諭而違制呈進其革職處分仍可邀恩留在又視爲累文遂思饒倅嘗試冀開進奉之門此則有意探測大非朕此次施恩之意矣從前進貢一事

皇考亦屢經頒諭嚴禁而督撫等仍間有備物呈進者

皇考因其旣經備進賞收一二件藉聯上下之情然亦
甚以爲可厭今朕志先定斷不容臣工等有陽奉陰
違之事朕在藩邸時一切服御起居概從儉樸而親
政後猶以崇儉黜華冀厚民生而敦澆俗現在宮禁
之中所貯珍寶玩品極爲充物饑不可食寒不可衣
可見此等珍奇祇屬無用之物况外省備進貢物名
爲奉上其實藉以營私每次未收之件既可以分饋
權要又可歸入私囊而屬員等競事逢迎輒以贍貢
爲詞藉端派累層層巧取以致小民朘剥難堪大抵

進奉一節最爲吏治之害此朕所深悉弊端而必加
嚴禁者也此次朕之所以寬恕慶霖者實因伊係武
職糊塗所進祇係方物其咎不過昏昧尚非欲倡爲
此舉首先嘗試是以姑免革職倘臣工等誤會朕意
欲藉此營私見好仍冀得免嚴議則是有意效尤不
直照違制例革職必當重治其罪決不姑寬朕如此
雖誠誣諭而內外臣工多有不能深信朕者必欲暗
朕好箠之名快其私憤便其私圖雖係以小人之腹
度君子之心不足與較然朕之苦衷不可不宣示也

至慶桂在京供職相距伊弟任所較遠慶霖呈進不
合之處未經阻止其咎尙輕著照部議查級准抵免
其降調將此通諭知之欽此

嚴禁放官吏債

嘉慶四年十一月內奉

上諭給事中德連奏請嚴禁放官吏債一摺據稱京官初膺外任及京中候補州縣等官每多借官吏債使用以一千兩而論除去扣頭等項所得不過數百兩嗣後三月一換票以利作本不一二年間遂至數千抵任後虧挪庫項剝削小民希圖彌補種種貪贓自此而生等語向來放債人等有用短票扣折重利盤剥例禁綦嚴乃日久廢弛仍行違例巧取候選官員

等既不知自愛墮其術中又復自顧考成隱忍甘受
遂致謀利之徒罔知顧忌而所借債賬日久累重無
以清償因而挪移官項脅削小民此等弊端實所不
免不可不申嚴例禁著步軍統領順天府五城各衙
門嚴行禁止並密訪查拏倘有前項情事卽隨時懲
辦毋得陽奉陰違致干咎戾欽此

嚴禁外省文武官員規避事件

嘉慶四年十一月內奉

上諭御史彭希洛奏請禁外省官員勒令告病嚴禁州縣浮收條銀文武員弁諱盜一摺所奏俱切時弊據稱外省道府州縣等官有庸劣不稱職者該上司或因保舉在先規避處分或姑示寬厚稍存容隱並不隨時據實劾叅祇令告病此等人員病痊仍可起復補官不足以昭炯戒再徵收條銀官設銀店每一兩浮收之弊如江蘇有徵收條銀官設銀店每一兩浮收

銀三四錢不等其將錢折交者每一兩收大錢一千四五百文不等州縣旣已浮收胥吏又從而侵蝕現經嚴清漕弊恐不肖官吏因出息較少於徵收錢糧時又致逐件加增至各省地方有被盜案件文武員弁每因規避處分捏報竊案且有賄囑事主隱忍者以致盜匪無所顧忌乘間搶劫各等語該御史所奏俱屬應辦之事各督撫嗣後所屬道府州縣等員遇劣蹟應行叅奏者務須秉公嚴劾勿稍徇隱倘有仍前勒令告病而任內劣蹟別經發覺者將各上司嚴

議錢糧一項例應民間自封投櫃久經嚴禁私設官
店以杜浮收其鄉民內向有折交錢文者若竟行禁
止恐小民不諳銀色反受胥吏愚弄名譽撫務於開
徵之時按照時價覈定換銀上庫之數每兩徵收大
錢若干文出示曉諭聽民自便毋許絲毫浮收至文
武員弁諱盜本干嚴議各督撫務須嚴密訪查通行
曉諭如有諱盜情弊許事主赴各上司衙門呈控卽
據實叅辦若該上司扶同徇隱別經發覺將該管上
司一併嚴議決不寬貸將此通諭知之欽此

嚴禁私役遣犯

嘉慶六年七月內奉

上諭各省及新疆遣犯內發給兵丁爲奴者均係情罪甚重特令其備嘗艱苦俾知悔過自新該管官於此等人犯理應隨時嚴加鈐束豈可令其充當長隨出入衙門滋生事端前此景熠將遣犯黃欽時留署教曲曾經按律治罪乃現據繼善奏路經吉林見理事同知碩隆武之長隨胡成兒卽係發往吉林給兵丁爲奴之犯大屬非是除不准服役外碩隆武著交部

議處並恐各處似此者尚復不少著通諭各將軍督撫副都統及新疆大臣等嗣後於情罪重大發遣給兵丁爲奴之犯毋許夤緣服侍官長致啟干預公事之漸倘陽奉陰違一經察出定將容留服侍之員及失察之該管大臣等一併交部議處欽此

嚴禁換帖燕會無故上省

一、武職各官毋許彼此換帖調考之外不得託
故上省上司屬員毋庸燕會各該總督巡撫
時加約束稽查年終彙咨違者本員及上司
均照例分別議處例載處分則
例禁私門

禁令屬員購買物件

一各省總督巡撫提督總兵衙門需用物件俱交承充買辦之人公平買送不得交首縣暨中軍購買違者提督總兵照違

制律議處中軍官照溺職例處分總督巡撫首縣俱交吏部覈議其有勒令屬員買送物件及短發價值或屬員藉此逢迎餽送者俱叅革治罪各省提督總兵以下各官如有交所屬員弁買辦物件者均照此例辦理例載處分則例營私門

收受屬員門包等項處分

一 武職提督總兵等官如有收受屬員門包及押席銀兩并令屬員承辦筵席以及縱客家人收受屬員門包或失於察查者均分別照

例議處

例載處分則
例管私門

餽送禮物

一屬員因事負緣餽送禮物以及餽送雖未收受彼時不將餽送之人出首後經發覺者均各照例處分例載處分則
私門如並未因事接受

所部內餽送土宜禮物者照笞四十律議處與者減一等

屬員詳揭上司抑勒

一將軍標綠營旗員及直省營員內如有上司
恃勢抑勒者屬員卽詳報該將軍提督總兵
官題參若該將軍提督總兵徇庇不行參究
或將軍提督總兵自行抑勒者俱詳報該總
督題參如總督徇庇不行參究或總督自行
抑勒致屬員受屈難伸及各省未經設有總
督者俱准其直揭部科至總督巡撫親標及
衛所官員如上司恃勢抑勒屬員卽詳報該

總督巡撫題參如該總督巡撫徇庇不行參

究及自行抑勒亦准其直揭部科該部科查

明揭內情詞如果有抑勒實據卽據揭具奏

如事關將軍總督提督總兵者將原揭交該

巡撫據實確審事關巡撫者將原揭交該總

督確審若該省未兼設總督巡撫及事關總

督巡撫者請

旨派員確審該上司俱暫免解任如審明該上司果
有抑制情由題參到日照例議處若屬員已

知上司訪揭題參卽乘參本未到之先據砌
款蹟捏詞誣揭部科該部科查揭內情詞毫
無確據卽據揭參奏將該員解任并將原揭
行令該總督巡撫據實確審如審係誣揭題
參到日將該員議處例載處分則
例考勅門如誣揭之
屬員其被參本罪輕於所誣之罪者於本罪
外照誣告律治罪倘本罪有重於誣告者仍
於本罪從重歸結

軍政科派

一官員值軍政之年借端欵派或都司守備等
官欵派該管副將叅將遊擊等知而隱匿不行題
行揭報或揭報後該提督總兵曉徇不行題
衆者各照例處分例載處分則
例管私門如該管副將
等查出揭報提督總兵據揭題叅者均免議

引

見官借端科斂所屬官兵

一官員來京引

見有藉端科斂所屬官兵以充私橐者照例處分其

上司徇庇不行揭報或已經揭報該提督總

兵徇庇不行糾參者俱照例議處

例載處分則例營私

門總督巡撫交吏部覈議上司已經揭報者

免議

因公科斂

一官員科欵所屬官兵財物入已及餽送人者
照例議處治罪若因公攢湊財物不入已及
非因公攢湊財物不入已者分別爲首爲從
照例處分例載處分則
例營私門

給價不速

營衛官員將所用民間工料食物價值不速
給發或半給半不給或竟不給者各照例議
處例載處分則所欠價值仍俱勒還

例載處分則

例營私門

挾制官府報復私讐

一凡有職人員假借公事挾制官府及將唆唆
不明姦賊事情污人名節報復私讐者叅革
審明按律分別治罪

擅受民詞

一、武職擅受民詞及接受兵丁控告戶婚田土等事呈詞加看移送或不移送有司擅行批斷者將本員及失察之該管上司各照例議處例載處分則
例議式門若上司自行查出揭舉者免

議

參後訐告

一內外各官經該管上司列款給參之後乃將
上司列款首告者奏交刑部審訊如果虛誣
嚴行治罪

笞辱官員

一 武職上司將伊所屬末弁如有事故不行題
奏任意笞辱及笞辱守備以上官員者各照
例議處例載處分則
例儀式門